



98
94
Canal

Den Ambiente 94

Tur Diodomingo 2p.m. - 3 p.m.

Entre Vista - Premionan - Wayanan di Farandula



COMEDIA DI MASCARUBA NO TA COS DI PERDE

**Despues di 3 ora den Cas di Cultura y 2 ora di "les di teatro" di mi maestro Jubi Naar, DEN AMBIENTE a bin compronde cu no ta asina asina por cubri un obra teatral.

Mi a sinta 3 ora den Cas di Cultura, goza un mundo di "Ken ta keda cu Mama?" pensando con pa skirbi riba e obra aki.

"Mi bautismo den mundo di teatro mi a haya di Jubi ayera cu a siñami cosnan cu nuncami tabata sa y no a ripara den e obra di Mascaruba."

El a splica di " Mise en Scene" y e ora ey mi a ripara con actor y actriznan ta cambia di posicion di un lugar pa otro, cambia di stoel pa sofa, cana rond, usando e espacio di escenario, locual tabata nobo pami.

E direccion di e obra y trabao cu Oslin Boekhoudt tabata tin pa pone cada actriz y actor actua , move, usa nan expresionnan di cara, nan posicion di para y cana, uso di mannan etc. manera e ta desea, ta cosnan cu mi a bin siña.

E luz blauw patras di ben-tana di comedor y cushina, un trabao excelente di Ted Hasham como iluminador, mi a bin ripara ora cu mi a ser splica di efecto di dia y di anochi, mescos cu e efecto di sonido y e uso exacto di grabador pa produci sonidoman di e grabacionnan toca. Richard Hopmans a haci trabao profesional cu su sonido.

DEN AMBIENTE a bin haya sa di Soufleurse of apun-



***Mama Sophia y Barbara (Nena y Enid)



***Geechi, Enid, Domi, Mena, y sinta Nena y Oslin, e elenco di e obra teatral exitoso di Mascaruba.

tadora, ora cu na final Careen Pietersz a sali for di bao di escenario patras di sofa y Gina Nuboer a sali for di un banda di decor. Nan trabao tabata pa percura cu e actor y actriznan no pega den nan dialogo.

DEN AMBIENTE a bin haya sa cu cada shimis, trahe of flus cu wordo usa den e obra como vestuario mester cuadra cu e historia di eobra y cu e situacion presenta. Ademas, e colornan mester cuadra cu e decor. E vestuario den e obra tabata di Studio Italia y mobilario Furniture

Outlet Center.

DEN AMBIENTE a siña cu maquillaje ta un arte y cu e caranan no mag di lombr, (debi e luznan), y cu e trabao di Marieta Wanopa por tuma oras. Parti importante di maquillaje ta tambe cu expresionnan di wowo mester wordo mira y cu no mag aparece sombranen riba cara. Ta les completo DEN AMBIENTE lo mester haya pa compronde tur cos cu Jubi a splica.

Mirando e obra di Mascaruba y e dos ora di conversacion riba teatro, ta gana bo

ta haya pa traha den un obra teatral y mescos cu DEN AMBIENTE a sinti e gana ey

RESUMEN CORTICO DI OBRA

"KEN TA KEDA CU MAMA"

***"Ken ta keda cu mama?" ta un comedia cu ningun hende mag di perde. Bo ta hari barica yen, goza di actuacion excelente di actor y actriznan di Mascaruba, y pasa un anochi masha divertido y cu gana di mira e obra di dos biaha.

Sophia, mama di Teresa y Barbara, ta biba cerca Teresa (Mena Schwengle) y Martin (Geechi Pietersz) despues cu su casa a muri.

Teresa a cuida masha bon aunke con fastioso y insoportable e por tabata den su comortacion, sigur despues cu el a cay kibra heup y Teresa mester a kita di trabao pa cuida su mama.

Despues cu Teresa y Martin a tende di problema di nan yiu Sara na Merca unda e lo ta biba cu dos homber den cas, e mayornan a viaja pa Boston, pero a dicidi di laga Sophia cerca Barbara (Enid de Lannoy) y David (Domi Tromp) cu ta un pareha negociante den arte y cu bon placa.

cu e trabao excelente di Mascaruba, hopi cu mira "Ken ta keda cu mama?" lo a sinti mescos sigur.

Ta cu e les di teatro aki DEN AMBIENTE awe den e otro articulo por skirbi algo di e obra magnifico aki.

Como fotografo DEN AMBIENTE a bin siña tambe cu ora di presentacionnan teatral, sacamento di foto cu flash no ta permiti, y ta mihor saca foto durante "ensayo general" (e ultimo ensayo cu ta ser presenta comosifuera ta anochi di presentacion ta tumando lugar.

Motibo ta cu e flash por saca actor of actriz for di concentracion, duna "blackout" (pone nan lubida) y ademas e flash por daña efectonan di decor y iluminacion.

Thanks Jubi.!!

Mama Sophia ta keda aki, y ta conoce Maurice (Oslin Boekhoudt), un pintor di fama di 90 aña casi. Sophia y Maurice ta namora di otro.

Tres siman despues cu Teresa y Sara bolbe di Merca y bishita David cu Barbara, nan ta bin haya sa cu Sophia no tey mas, locual ta increible pa nan cu no sa cu Sophia ta masha bon di cabez y no ta e "anciana" insoportable y fastioso cu nan a laga atras.

E situacionnan presenta den e obra cu yegada di Sophia, despues yegada di Maurice, y problemanan di e parehanan, ta pone sala hari y hari

** DEN AMBIENTE ta felicita Mascaruba cu e obra aki y cada un di e actriz y actornan y tur esnan tras di escenario y cu ta e "corazon" di e obra. Tambe felicitacion na Nigel Matthew pa su obranan di arte maravilloso presenta den e obra.

**DEN AMBIENTE ta recomenda su lectornan pa mira e obra aki.



***Domi, Oslin, Nena y Enid den un escena di e obra "Ken ta keda cu mama?"